

中國邊疆史志集成

東北史志

第二部

12

全國圖書館文獻縮微復制中心

中國邊疆史志集成

東北史志

第二部
12

全國圖書館文獻
縮微復制中心

子每苦無名位以昌其詩而若公之親親者又轉以彼累此此子之所以嘆也然就大以見小即本以該末而公詩之所以工者彌可知矣公從子蘇將軍鶴公集余從災成之非徒聞祖德表光幽也將以彰我朝廢歌之隆不在唐虞下而兼使世之論詩者有所矜式以無事區區摹擬則公之功固亟亟宜表而慧此舉又豈宜得已耶

尹文端公詩集序

夫無形者功德有象者詩書易泐者鼎彝不朽者竹素是以八伯渺矣而朱干蒼落之音傳三象止矣而東山零雨之篇著上有文思之后下有文命之臣凡以喜起皇風軒輊帝載非偶然也我朝尹文端公以鈞河攝洛之才贊堯體舜蕭之化言數形管早穆清奉天通志

卷二百四十三 藝文二十一 文徵十五 四十五

風墨麗黃麻便成甘雨其功見於天下其草焚於篋中辰告計謨有國史在非枚所敢知也若夫四始源流五際聲韻心乎愛矣情在於斯倫三接之光陰廣資省覽分九霄之聲咳潤色風花當其卷阿從遊柏梁應制凌雲賦而人主驚老鳳鳴而百鳥喜對天揮筆畫日成章方知從古卑變原稱才子於今燕許倘有風人他若擁旄憑弔之場三邊盡歷駐馬謳吟之地五嶽平看金石流其紫江山壯其采讀公詩者疑其生知敏性不假鍾鑪者乎而不知又非也公功高百辟志在三餘督八州而道然吟七字而自喜其精思也如其謀國其異入也如其援張其綿麗也如其測交其矜嚴也如其弊吏而且譽言則油素書之愛士則傾矜禮之故能宣揚八風不差累黍吞吐四瀛兼納細流行間消陷厲之心言外得中

和之氣較彼經生尙多孤詣就論風雅已歷羣公近今以來嘆觀止矣枚卅年隔坐由也升堂一旦山顛吾將安仰猶憶鼓角臨江之日牙旗捲雪之天張設肴蒸爲賞休文之二句留連裙屐豪呼王儉之三公點翠方希牙琴又奏負檐請謁刺燭重深軍門沈瀾而不知燕寢橫變而忘倦孔子曰好之者不如樂之者其公之謂乎然而王筠喜押強韻讓天下以先楊絳或不示人懼知音之少今者大星已隕餘光倘耿於天小子幸存斯文敢鑒於地望九原之人遠塵二雅之遺流用是編集遺文都爲八卷雖問字元亭無復春風之應而尋琴海上依稀流水之聲知我一生報公千古嗚呼

尹似村公子詩集序

奉天通志 卷二百四十三 藝文二十一 文徵十五 四十六

舉頭見日長安爲公子之家下馬傳書江上遇梅花之便幽千行珠字有九陶蘭言將編玉臺之詩遠索徐陵之序若曰陽文之妻非素饒不能不描也援下之音惟魯鼓爲能協也臨瀟交好祇有楊修劉尹生平最思元度然則表性情之幽懷寫煙墨之清光含我其誰當仁不讓似村居士今望山相國之嗣君也榮公樂府久歌第六之郎孔經門庭夙慕二南之調仲舒蘊藉夷甫鮮明自有青睞腰橫赤帶腸浣西江之水沙篆成文夢餐一樹之花芬芳滿齒甲戌二月相見於袁公署中蓋相公督理南河時也通家誼重一見心傾對柳浪以題襟映桃波而泛月襄城君有手初握荀文若餘香尙留忘何相公四督江南似村竭來官舍書聲隔竹遙知文選之樓帽影飄風迎出樂賢之館從此珠點夕露金然曉光早

燕新驚斷霞殘雪，非流連於函丈，必宴賞於琴尊，而似村苦志耽吟，偷閒出藥，或片言欲下，而覆袂深謀，或一字未安，而磨鐙動改，雖漏聲之兩急，猶才語之蟬聯，反屑則頽雲不飛，擊節而驚花亂下，可謂義心清尚，好學深思者矣。雖然鄧禹之兒，十三能明經者，幾輩安世之侯，七代乘朱輪者，數人相公玉樹連枝，麒麟接趾，非高疑爲耶之產，卽期門試弁之才，往往牛面未終，一鞭遽別，惟似村生而羸弱，不能待中長更，溫文好遊小學，端門覆試，表胄子之眞才，玉殿揮毫，取秀才之美號，於是子駿得隨父任，終日趨庭，汲公老臥淮陽，十年不召，江南花落，往往逢君，綢川月明，時時過我，雖風騷之道合，亦香火之緣深故也。所恨潘陸才華，竟遲科目，蕭曹家世，願思清貧，況復使相還朝，小侯歸第，未免幽窗雪滿，曲突

奉天通志

卷二百四十三

藝文二十一 文類十五
外編 文 清四 四十七

烟希紅休未封，綠車待幸，根同秋水，而羣花之得露先開，穴共丹山，而一鳳之凌霄獨緩，宜乎桓譚不樂，平子工愁，閒雲無出岫之心，倚竹有生寒之感，絃幺徽急，琴以響而彌悲，風定潮回，笛以孤而愈悲也。嗟乎萬里雲程，大器不妨晚就，百年歲月，浮生無奈情多，僕也五載手分，九回腸斷，欲買絲而相繡，恨倚玉以何年，每折疏麻，寄遐心於空谷，恍如殘夢，聽遙響於鈞天，聊借弁言，小申結轅，但願三徵接統，九服扶輪，龍泉鑄而青氣升，泰華立而高呼遠，此時采筆，占一門宮體之先，他日清風，繼三代芸香之後。

與兩林似村兩公子書

昔東阿采庶子之春華，廬陵愛延之之淺薄，郭家駙馬，贈錦繡於李端，蕭氏畫堂，寫丹青於到溉，非關公子，定愛才人，從古青琴最

憐同調，我望山宮保，仗節觀河，折弁調子，孝綽門內，能詩者七十二人，崔約書中，手抄者八千餘紙，丹山氣厚，雛鳳爭飛，湘水波清，叢蘭並茂，一招隱者，三宿南牙，恭逢兩林，似村兩公子，車蓋初傾，網鴻並坐，當侯台之孟夏，均貴賤於條風，珠羅雙九，難分甲乙，玉森兩樹，共倚蒙葭，與祖約談，次日如失眠之客，聽裴綽語，終宵聞彈瑟之聲，天士去而地士來，世儒倦而文儒繼，寫長瑜之佳句，則手界烏絲，看太叔之彎弓，則箭穿楊葉，可以測交，可以樹善，又豈止黎名釘坐，酒號蘭生，極鄭主之懷情，夸雅遊之盛事也乎，亡何免飛緘氏，鶴出遼城，叮嚀縞紵之投，惆悵河梁之別，嗟呼，烏猶擇木，人貴知心，碌碌毛生，慕平原君之高義，情情丁牧，事東平王而不歸，僕豈忘情，遽吟別賦哉，所奈惟士無田，小人有母，桃花源好

奉天通志

卷二百四十三

藝文二十一 文類十五
外編 文 清四 四十八

非漁父之家庭，桂樹山空，腹淮王之雞犬，松風耳冷，聽官鼓以驚喧，羅薛衣涼，對簪纓而覺野，倘復棲遲幕府，眷戀龍門，不爲百里之侯，轉作將軍之客，是失魯而以千社爲臣，辭卿而以萬鍾受祿，有乖出處無解，豈傳是以睡井情深，耕烟願切，團雪散雪，歌申叔之離詞，大山小山，別何家之兄弟，願言指水，深表僕心，未得銜泥，長巢君屋，繩牀一挂，知來者之人稀，雲水千重，恐夢中之路斷，幸而紫羅香在，離佩聲留，何處雪泥，不印飛鴻之爪，有時烏鵲，能通銀漢之津，時蒙被郭君，歡難抗手，黃衣屢屐，呼可傳書，明年菰水蓬開，尙想同舟於王子，他日郎君官貴，莫施行馬於門前。

尹文端公神道碑

乾隆三十六年二月，文學廩大學士尹公薨於位，天子震悼，加贈

太保諡文端，崇祀賢良。次年三月，公子慶王等扶柩葬於遼東。還公遺命，墓勿爲碑，其門下士哀枚泣而言曰：「古勳華之盛，皆於畢變之訂，讓中見之。我國家治隆唐虞，天生文端，公熙帝之職，垂五十年，四夷九州聞公墓，公萬類胥延矣。倘生平忠助，雖然就湮，於公謙德可也。其何以佐聖清之光明哉？」第公奏稿盡焚，密勿語外，罔聞知。而枚又生晚，靡能記憶，謹就受業以來，隅坐時齒牙所及，諸軍民屬吏所祝稱者，鋪揚之，以聲於貞石，或亦左氏所謂達而道者耶？諸公子曰：「唯唯，乃據其梗概而銘之曰：公諱繼善，字元長，晚自號望山，滿洲鑲黃旗人，世居遼東。父泰，罷祭酒家居。世宗爲藩王，祭長白山，召與語，悅之，問有子仕乎？曰：第五子繼善，舉京兆。當令見我，及公試禮部，將謁雍邸，而聖祖崩，世宗卽皇帝位，乃奉天通志」

卷二百四十三

外編文 清四

四十九

中止。公亦登雍正元年進士，引見。世宗喜曰：「汝卽尹秦子耶？果大器也。」遷入翰林，而召祭酒公爲工部侍郎，尋遷東閣大學士，怡親王請公爲記室，上許之。天寒，衣羊裘從王，王憐其貧，賜青狐一襲，奏署戶部貴州司郎中。當是時，廣東總督孔毓珣與巡撫楊文乾不相中，弊高廉道王士俊者，楊所薦也，伺楊入覲，勸王下獄。公承命往，觀得其情。世宗深嘉之，未復命，授廣東按察使，甫抵任，遷副總河。未半年，遷江蘇巡撫，仍兼河務事。時雍正六年也。江蘇漕政抗弊，公奏衛丁州縣費各有需，嗣後請米一石收費六分，先給官丁，使無不足，然後一裁，以法又奏平糶盈餘，非公家之利，應存縣庫。又奏撤水師營，而增沙船巡海。又奏鹽院伊拉齊不法，請褫職摘問。世宗悉允所請，備聲接於衡。七年，署河道總督。九年，署江南

總督。未一年，雲南元江苗反，調雲貴廣西三省總督。公自督，少獲廉，豐碩大口，聲清揚遠，聞者體紅嫩如珠砂，鮮目，秀而慈，長寸許。釋褐五年，卽任封疆，年裁三十餘，遇事總攝，犀利八面，登微而和，顏接物，雖素不喜者，亦必寒暄周旋。常一月間，疊擢將軍提督巡撫，河漕鹽政上下兩江學政等官，九卽彪列簿書填委，而公判決，依然無忤容，亦無驕色，猶與諸生論文課詩，以故民相傳折服。聞呼，趨過，爭欣欣然走一二里，追與望影，以爲天人。其督南河也，上命開天然壩，公不可，適浙督李衛入覲，過清江，傳旨嚴飭，且云：「衛已奏明黃水小開閘毋妨，公覆奏李衛不問河身之深淺，而但問河水大小，非知河者也。」倘河淺壩開，宜流太過，則湖水弱，難以敵黃之強，方草奏時，幕中客齊爲公危，有治裝求去者。公不爲動，世奉天通志

卷二百四十三

外編文 清四

五十

宗喜曰：「卿有定見，朕復何憂？」輟御衣冠賜公，而加公太子太保。其調雲貴入覲也，江南災，河東總督田文鏡欲奪所屬之豐，請漕東粟助賑，按察使唐綏祖密奏東省亦災，果宜留世宗問公公。奏如綏祖言。世宗曰：「如卿言，山東誠災，第綏祖田文鏡所屬，不宜異議。」公曰：「臣聞古人有申公憲以報私恩者，若臣作田文鏡，只知感愧，不知嫌怨。時唐禍幾不測，以公解得免，而公初不讓唐公，既到滇，知前督高其倬雖受譴而老成有識，乃慮已諸詢，高亦戚公意，備告款要，遂率總兵楊國華、董芳等分路進兵，破之，擒其魁老常小等。元江平，今上登極之二年，補刑部尚書。四年，教習庶吉士。五年，總督川陝。八年，江南災，調兩江。十三年，調廣東，不果，補吏部尚書，協辦大學士。金川用兵，乘傳與忠勇公傅恆詣軍前受降，畢仍督

川陝十六年調兩江。十九年河決命督南河。河平命視師伊犁。半途追還仍督兩江。二十九年上召公爲慶七十。賜議於第。拜文華殿大學士。仍攝總督。次年還朝。相天子七年薨。公教而能機。機牙四應。上深知之。凡糾紛盤錯事。他大臣能了者。不命公。既命公。則皆棋危柁險。萬口無聲。人方怯公無下手處。而公紆徐料量。如置器平地。靡不帖妥。又如東風吹枯。頃刻改色。凡一督雲貴。三督川陝。四督江南。而在江尤久。前後三十餘年。民相與父。馴子伏。每聞公來。老幼奔呼相賀。公亦視江南如故鄉。渡黃河。輒心開。臨入關時。吏民環送悲號。公不覺懷愴傷懷。過村橋野寺。必流連小住。慰勞送者。不侵官。不矯俗。不畜怨。不通苞苴。嚴束僚從。所涖肅然。將有張施。必集監司以下屬曰。我意如是。諸君必教我。我解說則再奉天通志

卷二百四十三

藝文二十一 文節十五 五十一

賊之使萬無可駁。而後可行。勿以總督語有所因循也。以故公所行鮮有敗事。所理大獄。雍正間江蘇積欠四百餘萬。乾隆間盧魯生偽稿及各郡叛逆邪教等案。皆株引萬千。而公部居別白。除苛解繞。不妄戮一人。先是十六年天子南巡。黃文義公盱衡屬色。俱張辦。二十一年至三十年。公三迎鑾。熙熙然民不知徭役。供張亦辦。人以是服公之敏也。公清談干雲。而尤長奏對。世宗嘗詔曰。汝知有督撫中富學者乎。李衛鄂爾泰田文鏡是矣。公應聲曰。李衛臣學其勇。不學其粗。田文鏡臣學其勤。不學其刻。鄂爾泰大局好宜學處多。然臣亦不學其愎也。江蘇布政使某妄奏司胥侵歷年正供。自矜嚴察。公偏勸其寬縱曰。某既知庫虧百萬。而不能科別窮治。何事上憲釋命大學士劉統勳會同核覆。事果虛傳。俗公

貌類佛。而不喜佛法。聞人才後進。則傾軋推轂。提調華亭。每公餘一卷一燈。如老諸生寒暑勿輟。詩成。喜人吟聽。至頓挫處。手爲拍張。或半字未安。必嚴改乃已。以故清詞麗句。雖專門名家。自愧不如。上嘗下詔云。本朝滿洲科目。惟鄂爾泰尹繼善二人。嗚呼榮哉。故事宰相抵任在翰林衙門。公入相時所坐處。即公先人之位。公母徐氏。側室也。以公貴。封一品夫人。公側室張氏。以第二女爲皇八子妃。亦封一品夫人。充丙戌會試總裁。先一年而降旨。皆異數也。公本姓章佳氏。先娶鄭氏。再娶鄂氏。俱封夫人。子某某銘曰。一事未行。懽聲雷鳴。問厥所由。相感以誠。一令裁布。趨迎滿路。我知其故。信之有素。大哉夫子。金粹玉溫。仇怨低首。无戎扶輪。五行中土。四時中春。惟其育物。所以歸仁。公嘗訓人人如履地。不留有奉天通志

卷二百四十三

藝文二十一 文節十五 五十一

餘鮮不顧。人亦指公。公如大樹。定擬其下。使人可據。羊腸繁業。公能游之。虎目神神。公能柔之。匿瑕藏疾。公亦憂之。橘果未熟。曰且留之。及其覆矣。轉相咎矣。公亦無言笑而受矣。貴且彌恭。盡乃登聽。乾乾日履。扶我皇風。大體勿考。大廉勿表。官久胡貧。惟天了了。十事要說。姚崇忠愛。公欲云云。探懷有待。元齡遺表。諫征高麗。公竟生前。抗顏陳詞。易寶猶視。殘編斷紙。曰性所耽。惟文與史。七十七年。大星歸矣。如彼宣尼。可止則止。有子十三。鄧家金紫。罔不束修。敦詩說禮。遼水湯湯。繞公墓堂。江水悠悠。望公來游。二水之間。知公俱到。所到孰多。江南有廟。二神七七

高天鳳

字三才。江寧人。乾隆中。重修通州于襄勤公祠碑記

重修通州于襄勤公祠碑記

古人之制爲祀典也不外法施於民禦災捍患諸大端而觀民之官爲民愛戴而有專祠者義實防此故雖由邑郡歷封疆豈功偉烈百世惟馨匪獨一州之祀是賴而有其奉之莫或修之非俎豆前人意也官保尙書于襄勤公曾知通州事州人銘公恩建祠於州署土地祠內之東迄今垂百十年前州牧龍君舜琴志在修葺且得公裔孫農曹公命將墜工以攢守滇南未果天風奉命受事後謁公祠見棟宇傾圯堂復西向祀禮罔稱爰擴基址鳩工庀材諏吉從事閱五月餘堂成升公之像南而規模稍備復以碑記闕如奉書農曹公乞公傳略并探志載教誌一二俾州之父老子弟咸知公享祀所由來而後之守土者又宜如何法守也公諱成龍字振甲遼左蓋平望族考得水公軍功授輕車都尉世職聖祖仁奉天通志

【卷二百四十三】

藝文下 文獻十五

外編 文 清四

五十三

皇清崇德三年七月初五日得春秋六十有三屬祭葬碑文於西
山楊家莊神道設輿動凡公生平政績具詳史館不備書天鳳承
乏茲土景仰先型虛無以盡修舉責爲守土者羞幸祠落成竊誌
梗槩而知通之俎豆夫公者名宦而外復有專祠豈不宜哉

屬惟盛京城垣每年定有歲修章程現在崇墉完固無庸修葺外其餘各屬城垣俱久未繕治實多傾圯其必應修築者共有一十八處但各城同時鳩工興作工匠既恐不敷稽察亦難周到臣等公同酌議請就應修各城分爲三次修葺先將駐有官兵之錦州府營岳鳳凰城並大路經行之寧遠州廣寧縣遼陽州六處較爲緊要者爲第一次次將中前所中後所巨流河義州鐵嶺縣開原縣六處爲第二次次大將撫順海城縣岫巖廳蓋州復州金州六處爲第三次其餘屯衛堡驛雖舊有城垣而地方僻小無關緊要者均毋庸修葺並請簡派督辦大員隨時往來稽查并邊派熟諳工程之員每處一人會同將軍臣弘明及府尹督率各屬估計工料奏明請帑擇日興工仍各預行度地開塞燒造磚料務期厚實

堅緻足資鞏固臣等遵旨會同酌議緣由謹繪圖繕摺具奏伏祈
睿鑒
乾隆四十四年七月丁酉

郭照葵
丁酉
西
縣
人

廷尉王公允升墓誌銘

乾隆四十四年七月丁酉鄉進士王君自京邸官舍歸其尊甫年
伯之視於奉天義州街恤苦塊哀毀至極復以窳劣有期濟德幽
光不可不勒諸貞石垂示後裔以予與鄉進士同歲舉於棘闈有
猶子之誼且曩與鄉進士游甚數能言其家世德行持狀涕泣請
銘其何敢以譚劣固辭謹按公諱猷字允升元亨其別號也姓王
氏爲義州望族世居城治曾祖諱良臣祖諱乾吉父諱有文俱贈
通議大夫族曾伯祖諱食伯祖諱自強伯考諱義明諱瑄均以子
奉天通志

卷二百四十三
藝文二十一
文徵十五
五十五

孫貴齊封贈胞兄弟第三長印基庠生候選布政司理問次諱捷廩
膳生公其季也族兄五長諱佐辛酉拔貢次諱佑附貢生次諱文
舉應舉俱庠生次印君召國學生族弟一印仲壬午舉人現任順
天府教職公生而穎異過人少即耽學性質中和年十五即受知
於邑令胡公冠童子軍補博士弟子會壬申恩科春秋連捷成進
士選庶常甫二十有五歲授職檢討充丙子順天鄉試同考官改
吏部文選司主事遷考功司員外郎乙酉四川鄉試主考擢考功
司郎中調文選司掌印郎中補陝西道監察御史戊子順天鄉試
內監試總理七省清務戶部坐糧廳監督遷吏科給事中工科掌
印給事中甲午巡天津漕倉巡視東城乙未巡山東清漕協辦河
道丁酉巡江南漕巡視北城戊戌會試同考官轉內閣侍讀學士

遷大理寺卿以詩受容知屢膺簡命咸稱職焉宦仕以來歷二十
七載矢靡矢慎以忠以勤其間任科道言官時章奏每上朝廷輒
報可惟奏請順天鄉試房考官閱卷仍應迴避一摺尤合皇上慎
重抡才之至意傳旨特獎著禮部知道欽此欽遵公之爲國彰彰
類是未可以更僕數至待鄉里處親族又爲父老所稱賢史曰明
德之後必有達人易曰積善之家必有余慶源遠者流長本固者
枝茂予於鄉進士有以知公之德明而積善也鄉進士顯揚其親
光大其家不承其緒庶無遺恨而猶以王事抱終天之痛哀切無
已惟恐前人之休光懿德不顯聞於當時於此登覲公之世澤長
而流慶遠也公生於雍正戊申年正月初九日子時卒於乾隆乙
亥年七月二十八日巳時享年五十二歲二品銜特授通奉大夫
奉天通志

卷二百四十三
藝文二十一
文徵十五
五十六

元配劉太君諱贈淑人先公十八年卒及是葬邑東南平房峪西
先塋側之東丙山壬向劉淑人附焉繼配胡夫人順天大興縣太
學生誥贈奉直大夫候選州同加二級能繼公女候選州同致孝
公安徵事國縣湖東司巡檢致禮公胞妹候選府經歷致樂公胞
姊子男二人長士芳字正甫丁酉舉人即予同年也娶公同年舉
人浙江太平縣知縣屈彰公女次士楷候選縣丞聘公內兄致禮
公女胞姪士族武庠生士昕乙酉拔貢現任直隸樂亭教諭士南
廩貢生候選布政司理問族姪桂戊子舉人分發廣西候補知縣
蕙成齡均監生乾齡庠生女三人長適同邑太學生高廷楨次適
江蘇江陰知縣馬麟書次適直隸長垣知縣李鈴予敬爲之誌而
係以銘曰

古宜之東南兮，平房峪之坐。太原之族望兮，建此佳城。坐丙向壬兮，擇吉經營哲人今萎兮，柩歸故鄉。卜安先坐之兆兮，元配謝氏。閭山遙拱兮，波水遠照。千秋萬禩兮，降之祥。片石刻辭墓旁兮，世系豐徽流揚。乾隆四十四年八月吉日。

明亮

八歲 十一歲 任人 乾隆 壬午 年

修城記

易曰：王公設險以守其國。險之時用大矣哉。詩云：王命仲山甫城彼東方。是城之不可不修也明矣。故博彼韓城，興實城實堅之歌。而有假其城美申伯召伯之作。倘恃陋而不備，罪之大者也。邊詩曰：雖有絲麻無棄菅蒯。雖有姬姜無棄儻惇。言備之不可以已也。是城之修不以太平而戒廢也。況奉天為發祥之地，不可不壯觀。奉天通志 卷二百四十三 藝文二十一 文徵十五 五十七

職開原乃邊塞之區，不可不嚴保障。余自四十一年到任，扶餘，翌日開城出其國，惟土阜而已。環其雄傑，惟赫牆而已。居然堵壞，何須懸布而登，密邇封疆，自可鳴鞭而至。夫乃嘆大道之行，外戶而不閉，大道既隱，城郭溝池以為固。此禮運所言。茲於殘缺之金湯，而愈以昭邱隆之景象矣。迨四十二年，聖華東巡，特命修理。四十七年告竣，遂乃乞言。言如周禮之所謂司門掌授管鍵以啓閉，國門識出入者，殆相類焉。況登城而望，外則營屯櫛比，內則府署基布，不愈增其雄偉矣乎。故為記以誌之。

新建鐘樓記

乾隆四十七年歲次壬寅，城工將竣，鐘樓未修。商賈族民捐貲，新建基高二丈，離起四門，闊發兩層，雄關一邑，氣如起鳳，而通國

開闢繁業而缺鐘。因請大塔寺銅鐘懸於其上。它余作記以示永垂。余覽夫樓之巍然乎，迺出於市廛也。鐘之靈之正位，做大業之圖方。衆山響應，無遠弗周。萬象森羅，瑤窗拱列。星河落於簷前，鼓角驚於地底。美哉輪焉，美哉奐焉。洵可謂肅慎之大觀矣。故夫雕檀玉砌，繡欄雲楣，金碧輝煌，既盡丹青之巧，棟宇層疊，更昭畫樹之超。又見鐘懸偉鏤，古色斑斑，鑄本先朝，舊同無射。茲竟移之乎。然而覺王運謝，象教流行，四大皆空，五蘊非有。昔倘捨身於禍，利今豈有愛於藩牢。將見發展昏之猛醒，悲壯鏖鏘，咸牟尼之神。鑄喻咄咄，摩伽五夜，不憚尋析之相聞。響徹重霄，惟是妙音之首度，以警衆，以數紀更，無量無邊，釋迦檀越。則此一鐘也，亦猶苦海之慈航，昏衢之巨燭云爾。費銀三千，興工五月，落成之後，爰奉天通志 卷二百四十三 藝文二十一 文徵十五 五十八

記以文。

修倉記

夫倉者穀藏也，存救之要術，儲蓄以虞災也。月令曰：孟冬之月，命有司穿寶室，修內廩，謹蓋藏，務積聚，乃重粟之意也。詩曰：我倉既盈，我庾維億。美額貯之豐，非待凶而頒者與。自古以來，有均輸有常平，有義倉，有社倉，法制不同，而總為民計。然厥口之不堅，收貯之不謹，則利於民者有時而害於官矣。即如前令以交代期迫，誤用算丈之法，致短米石，獲咎侵欺。又查出倉廩破敗，霉爛米穀，豆麥至三千有奇，加罪追賠修理，致令瘕死獄中。又有一令亦因倉糧霉變，被參革職，奮追嗣後交代，因倉糧拖欠不知凡幾矣。自余到任後，視其廩間則風雨不蔽也，驗其穀粟則糜爛難堪也。詳報

修倉而未蒙批示。日夜焦思。以爲陸曹之續矣。幸四十二年御史索諱與阿公按臨開邑。詣倉大怒。卽欲提參。因查詳稿未見批回。乃有倉而參上憲。奉旨改修倉廩。減其額貯。而十二城亦賴此而詳修。是百餘年之積累。一旦而清除矣。余憫二公之受辜。又嘆一身之幸免。茲於修倉告竣後。而作記以爲炯戒。後之君子幸留意於倉務焉可。

新修社稷山川風雲雷雨各壇記

禮經考索曰。或問社稷何神。曰。土穀之神也。人非土不立。非穀不生。祀之所以報本返始也。左傳杜預注云。社實陰祇。稷惟穀元。師敬萬類。協讚乾坤。故載芟之作。紀春祈也。良耜之詩。美秋報也。則社稷之所係。顧不重哉。至於四境之內。有山林川谷。邱陵墳衍。原奉天通志 卷二百四十三 藝文二十一 文徵十五 五十九

隕能出雲爲風雨。見怪物者皆曰神。民之財用於是乎取。辦焉非此族也。不在祀典。是則祀之不可闕者也。詩云。懷柔百神。及河喬岳。此言武王巡狩之所祭也。是知天子祭天下名山大川。而諸侯祭境內之山川。則山川者不與社稷同尊乎。若夫陰陽之交合。上薄而爲雨。下薄而爲霧。風其意也。雲其氣也。雷其相搏之聲也。電其相擊之焰也。總以出乎山川而有功於社稷者也。余自到任以後。所謂壇廟率皆傾圮而無存。於是數載捐修。至辛亥而始備。東門外有先農之壇焉。南門外東有社稷之壇焉。西有山川風雲雷雨之壇焉。且西門外又建有厲壇焉。是與其利而除其害。以表神道之依歸。革其故而鼎其新。以隆歲時之報享。爲民祈福敢不加虔守土。敬忱用昭示後。豈得以微務目之而不記也乎。

阿桂 字德全 蒙古人 乾隆 戊午 舉人

聖駕東巡記

皇帝膺天成命四十有八年。繹思祖宗興業造功。以奄有九有之師啓無疆。大寶祚。景嗣前烈。是祇是勤。顧瞻舊都。神皋陳宅。山陵遠翠。陟降攸憑。粵自乾隆癸亥甲戌。以泊戊戌。式循彝章。三修謁祭之禮。隆儀志宣。孝德光被。適者特詔有司。選和闐貢玉。新作冊寶。格於太室。而以舊所奉者。尊藏盛京太廟。洪昭列聖之丕麻顯光闡示無極。將遣皇子諸王等翊奉以行。皇帝曰。朕巡省舊京。肅拜園寢。於今五年。維艱難締構之緒。夙夜常在朕心。益宜以時敬申報饗。其以孟秋啓軫熱河。有事於三陵。夙戒所司。一如舊典。適於五月甲寅。車駕發自御園。駐蹕避暑山莊。越六月丙子。復詔以

奉天通志 卷二百四十三 藝文二十一 文徵十五 六十

伏暑閱勞。恭徒。令太史改卜吉日。恩意滂沱。歡學雷動。越八月壬申。恭遇萬壽聖節。上御瀟泊敬誠殿。諸藩從官入賀如儀。越三日乙亥。自惠迪吉門啓蹕。東巡靈古科爾沁土默特諸部落。皆除道成梁。奔走恐後。所在郡肆節次。生殖蕃阜。一比內郡。縣塞田畝。一鍾刈穫。彌望。咸感荷聖朝涵濡休養之厚澤。踴仰羽蓋。歡歌載塗。爰循柳條邊。以東入九關臺門。將軍侍郎府尹以下。緣道迎謁。各修乃守。越九月戊戌。車駕至興京。謁永陵。越五日癸卯。謁福陵。若翼日甲辰。謁昭陵。功臣陪坐。以次賜酹。祀事儼恪。肅雍昇升。神明居歆。多福單厚。乙巳。車駕入盛京。徧禮於天壇地壇堂子太廟。還莅舊宮。瞻視棟宇。皇情懷穆。越三日戊申。肆覲於崇政殿。朝鮮國王遣陪臣奉表起居。鞠履在列。屬詩褒饗。慶賚有加。遂大宴羣臣。

頒幣以差中外悅樂。若翼日己酉，宮中行祀神禮。庚戌發自盛京，先是有詔，推恩給復奉天所屬租稅一年，行所過者半之，除莊頭輸倉粟萬餘石，旗地歲納米豆草束十之五，因輕繫以上至徒流減免如例。民男婦七十以上，優以粟帛。廣博士弟子員額，凡扈從王公諸臣暨大吏郡吏之有執事於行者，差別敘錄，具準乙未己亥乙巳丙午節次指揮行慶，所逮羣倫，靡不沾溉。越五日乙卯，次廣寧，禮於北鎮廟。它若遼河渾河太子河秩在祀典者，咸先後遣官將事，懷柔百神，山川受職。越十日甲子，次山海關，禮於北海神廟，登澄海樓以望海，馮夷奔趨，恬波效瑞。越八日壬申，謁東陵如初禮。乙亥車駕至自盛京，若翼日丙子，親享於奉先殿，告成事焉。權自發軔熱河，六旬有二日，而大禮備，銘鑒顯融，變古無尚。

奉天通志

卷二百四十三

藝文二十一 文徵十五
外編 文 清四 六十一

臣仰惟國家光宅大東，以建我不丕基，神威靈伐，震耀典冊。皇帝虔共昭事，既日發金匱，周覽本末，灼知於受命之原，而猶不憚屢駕之勤，巡行川壑，諮度聖蹟，於赫圖阿拉，見肇造之勞。於遼澤，見經營之績。於寧遠，錦州，松山，杏山，大凌河，薩爾滸，尙間崖，諸地見皇天助順，集勳制勝之所由，然流連動愆，久而彌摯，細及一名一物，亦必反覆覈證，以毋忘先民淳厚之俗。於是櫛為天文，甄謨籍雅，御製薩爾滸書事，臚功勳實，照燭宇宙。既宣付刻石其處，以昭無窮。而前後詩章，規重矩疊，無非懷軫業之不易，而登懷惕於守成之難。長言諄復，益溢楮墨，爰命諸皇子敬繕一通，情而藏諸祕閣，所以垂訓於億萬禩子孫者，容慮深長，實為至詳且切。若夫植根樹本，崇飾典物，則有如盛京諸壇廟舊額祠官，隆建壇廟，嚴翼

無改，復命將作繕寫，規模鼎新。奉天所屬諸城歲久彫剝，當肯治者十有八，特詔大臣相視，大斥帑金，撤而鑄之。垣良土，金湯永奠。四庫全書排輯告竣，復於盛京建文溯閣分部藏書，琅函玉笈，奎壁增輝。惟聖天子眷顧邵岐，於事神誠民，緯武經文，諸大政登切修明，百務具舉，而淵冲默運，所以周賢於萬方，臣庶者，亦無不變和紹德，推本孝熙，宵旰勤咨，彌昭行健。臣阿桂侍直樞禁，日聆睿訓，仰見我皇上體祖宗之心為心，法祖宗之治為治，貢承對越，日昃不遑，故能精意乎通，受釐集福，至仁達孝，一以貫之，固非徒豐鎬歌詩，粉榆樂土，飭彌文而修掌故者所克比擬萬一。臣學質樸昧，愧無以率先館閣諸僚，導揚盛美，而職領起居注，法當纂次事實，以付史館，不揣固陋，謹件繫日月撰記一篇，竊附於記，言記

奉天通志

卷二百四十三

藝文二十一 文徵十五
外編 文 清四 六十二

勳之義，曷勝悚懼忭之至。

王萃

字秋史，山東諸城人，康熙間舉人，官至

吳敬君傳

敬君姓吳氏，諱愛，字天章，其先遼陽人，曾祖三仕，官雲南都司，食書祖光國，父允升，舉順治乙酉順天鄉試，署山西蒲州學正，乙未成進士而卒，遂籍蒲州。子四人，敬君其長也。幼明慧，善屬文，十五補諸生第一，旋食餼，益發憤讀書，搜覽羣籍，能得其用於詩筆之間。一再試，有司不見收，詣京師，謁父執事，榮工部開梁御史，照劉刑部體仁，戶部琬皆識實，世固已知有敬君。一日題詩榮工部客位，今刑部尚書新城王公士禎時官禮部，見而嘆為奇絕，乃繕寫歌詩上謁，新城得詩，因與談藝有台，為之延譽崇獎。而敬君之詩

名益大。凡士之博雅者，皆援君自重，所至，題詞贈答無虛日。四十年來布衣詩名之盛，傾動四方。如微君者，未之有也。會詔求鴻博，微君在舉中，臨胸知其名，一日以扇索詩。微君奮筆大書絕句，與之卒，以不遇亦不悔。邇所居中條山奉母，久之，出游梁宋，詩益工。微君以貧故，故人遠遊，歷趙齊魯吳越秦楚之區，抵天津，有知其貧者，假千金，寄財里中，拙營施，僅大饑，失千金。其人官布政，致之幕下，十年以償稱貸，而不知者謂其貧。若晚訪舊京師老矣，歸未幾，母歿，以毀卒。卒時，諸弟露曰：對華山埋骨，骨乞新城館，吾藏定。吾詩盈吾志矣，微如其言。自新城著漁洋前，續諸集世之爲詩者，爭效其體。微君之詩，與會所至，與新城持論自合。故新城誌墓，有釋迦子爲山寂子之嘆。詩刻者累數百篇，未刻者倘千奉天通志 卷二百四十三 藝文二十一 文獻十五 六十三 餘屬新城，則定爲如干卷。子二人：江蘭，崇厚，皆前卒。孫達源，尙幼。

天下號曰微君。

王萃曰：余已未歲暮，始於藩州識微君。微君貌雖老，飲酒不數升，輒醉。醉輒左手持鐏，右手持冷炙，吟詩不輟。過其家屋破，日光穿漏，土墜上一卷數寸許，紙微蠟，如市肆舊書，皆顯柳文，燦則其近詩。今二十餘年矣。微君好仙佛，淡榮利，晚有鄭谷之竹四畝，欲作堂歸老，不獲。悲夫！
孫星衍 字淵如，浙江錢山陰人，乾隆丁

孫公曰乘行狀

公姓孫氏，諱曰秉，字德元，字葆年，奉天承德縣人。先世居臨榆，遠祖在明永樂時，有世襲金帶指揮者，葬在縣城南之古寧海城。

外編字漫漶，無名諱可識考。曾祖守祖妣穆氏，祖自貳妣杜氏，父寬妣王氏，何氏，三代皆以公官布政使時，果贈通奉大夫，江寧布政使妣皆贈夫人。公少聰慧，讀書目數行下，乾隆二十四年，舉於鄉，辛巳恩科成進士，三十六年，選授河南鄭州知縣。越四年，丁母艱，回籍，以貨候銓。知府復仍以知縣試用湖北省。四十三年，補授嘉魚縣，又署建始縣。公素性儉樸，以爲縣令親民之官，當約己奉公。今世有以饋賂遷劇邑，屬託機獄訟者，吾不忍病國病民以徇俗也。故所至之處，多不稱上官意，同僚亦笑其迂，及受代時，國帑無絲毫虧缺，士民皆歌思不忘。四十四年，選授廣西柳州府知府。明年到任，以能調鎮安府，撫輯夷民，甚有威惠。五十一年，擢四川水寧道。又二年，調貴州糧儲道，署貴州按察使。又二年，擢湖北按察使。時值學督部以重名坐鎮，雅俗屬吏少所許可，獨倚重公。商推平反，以爲孫廉訪不吾欺也。五十九年，擢山東布政使。時中朝柄政者以威權撓擗外臺，大僚自道府以上皆以貨賂固名位，公獨不與通。謂曰：吾以機誠受主知，不知其他，以是爲要人屬託所不到。尋調江寧布政使。嘉慶元年八月到官，值山東江南河工久未台，龍議派地方官助資開浚引河，且議請加征，公力阻其說，以爲加征非盛世事，即扣守令常秩，使俯仰無資，是迫使饑民也。其事乃已。今上親政，赫然革吏弊，開言路，公乃奏言河道挑築工程，請任河員以專責成。河員承修工竣，應令會同地方官勘驗結報。先是開河工程，樹調沿江沿海牧令，民事曠廢，委以購稅糧夫，或以徵求累民，或稱賠累虧帑，及築堤濬河，悉飲費以屬河員，無從

奉天通志

卷二百四十三

藝文二十一 文獻十五

六十四

外編字漫漶，無名諱可識考。曾祖守祖妣穆氏，祖自貳妣杜氏，父寬妣王氏，何氏，三代皆以公官布政使時，果贈通奉大夫，江寧布政使妣皆贈夫人。公少聰慧，讀書目數行下，乾隆二十四年，舉於鄉，辛巳恩科成進士，三十六年，選授河南鄭州知縣。越四年，丁母艱，回籍，以貨候銓。知府復仍以知縣試用湖北省。四十三年，補授嘉魚縣，又署建始縣。公素性儉樸，以爲縣令親民之官，當約己奉公。今世有以饋賂遷劇邑，屬託機獄訟者，吾不忍病國病民以徇俗也。故所至之處，多不稱上官意，同僚亦笑其迂，及受代時，國帑無絲毫虧缺，士民皆歌思不忘。四十四年，選授廣西柳州府知府。明年到任，以能調鎮安府，撫輯夷民，甚有威惠。五十一年，擢四川水寧道。又二年，調貴州糧儲道，署貴州按察使。又二年，擢湖北按察使。時值學督部以重名坐鎮，雅俗屬吏少所許可，獨倚重公。商推平反，以爲孫廉訪不吾欺也。五十九年，擢山東布政使。時中朝柄政者以威權撓擗外臺，大僚自道府以上皆以貨賂固名位，公獨不與通。謂曰：吾以機誠受主知，不知其他，以是爲要人屬託所不到。尋調江寧布政使。嘉慶元年八月到官，值山東江南河工久未台，龍議派地方官助資開浚引河，且議請加征，公力阻其說，以爲加征非盛世事，即扣守令常秩，使俯仰無資，是迫使饑民也。其事乃已。今上親政，赫然革吏弊，開言路，公乃奏言河道挑築工程，請任河員以專責成。河員承修工竣，應令會同地方官勘驗結報。先是開河工程，樹調沿江沿海牧令，民事曠廢，委以購稅糧夫，或以徵求累民，或稱賠累虧帑，及築堤濬河，悉飲費以屬河員，無從

稽核沿河守令與河員同有參處分賠之責工程虛實不相關白公深嫉其弊故奏及之其後河工文武有以侵帑見治籍其家貲累萬或疑公密陳不知其審也四年四月奏請復知縣改教舊章自五十一年定例知縣補缺才不勝任即令休致公奏言士子讀書得第需次多年始登仕版遽令終身廢棄非所以示體恤且恐士司重去人官因其別無劣蹟姑息貽誤又非整飭官方之道請以年力強壯學問優裕者改補教職如舊制又以楚蜀軍營召募鄉勇皆不教之兵驅之遠行有急既不可恃無事則散而為患奏請興建營田編查保甲言自河南南陽陝西以至湖北安襄鄖陽陝西西安漢中興商一帶長山大谷數千應勅下督撫招懷歸降流散之民各給無主田二十畝借與資糧使之耕作水田則潯川

奉天通志

卷二百四十三

藝文二十一 文徵十五

六十五

通渠旱田則開溝鑿井其山地不宜種植稻麥者雜種桑榆菱藕以助衣食五家立社擇年高曉農事者為伍長教督耕作和睦鄰里守望相助險要地方添設巡檢千把駐守彈壓習練技勇則流亡得以安業鄉勇有所歸宿此本固邦寧之效也保甲或累民因其累以弛之未免因噎廢食請責成州縣每鄉之中計戶分甲公舉誠懇一人以為保長每甲十戶之中又公舉一人以為甲長令簿記往來人客則保長不至累民罪匪無從匿跡又以承平日久懼軍營將士不嫻武略奏請選募將士訓練講求以資武備言生聚攻守之術權謀應用之宜具在宋許洞虎鈴經其言簡明頗中體要懇頒發軍營請求訓練凡所論奏或蒙上施行或下部議覆因是益深荷主知嘗以六年正月入覲上問彌補虧帑之法公奏

操之太急恐不肯吏藉詞彌補為患地方終無實效上嘉公機誠後因公于燕翼之道任人毀謗屬剛方似其父云公性伉直江南大吏某以廉潔自喜嘗問何以教我公不敢言及問之切對以公多擁蔽書吏之弊曰甚大吏言亦知之但不得其要領公即舉實事以對大吏故賢者不以公語為憎益以此見重公在江南清節彌厲也直不入多用惻惻無華之吏置之衡劇率以儉約歲省供張之費數千兩從容調濟資有餘以補不足或感恩饋贈則以其資完帑項其後皆不敢干公以私故江淮一路虧缺漸清惟其外任既久知吏弊深屬員不敢欺隱也五年三月擢貴州巡撫甫到官值銅仁縣石峴逆苗滋事之後公恐勦捕時有驚散苗人藏匿因設法招引安插腹內山場餘地使之耕種奏言苗頑均屬赤子

奉天通志

卷二百四十三

藝文二十一 文徵十五

六十六

不可令其資生無計若苗人各安生業則錯居腹地亦易防範不虞其滋生事端其年七月調雲南巡撫公在任累已衣不改作日食錢不滿千絲毫官物不以入己惟以普洱茶煮檳榔寄家云此物能治積食勝於致珠璣也七年五月奏請借糧常平倉穀言滇省山多田少土性瘠薄除秋收米穀之外所種豆麥雜糧春收本屬無多每至五六月間青黃不接市糧價昂若竟停其借糧則籽糧缺乏便致輟耕荒廢臣不敢拘泥新例致使便民之政有名無實業經飭行司道準令各屬照例借糧俟秋成後還倉仍嚴密勿許有短發浮收情弊先是有奏言買補境內倉穀為民累者又有條奏常平倉積久弊生有短發浮收之累請無災年分不準出借者各省倉穀既不買補平糶又須報部部吏高下其手增減價

外吏率皆積穀七八年，至紅腐，米價騰貴，富賈獨擅其利，常平社

義諸倉無見穀，一遇偏災，無以給振，識者患之，至公有此奏，上批

有治人無治法，惟在實心辦理，實力稽查，若辦理不善，卽不出借，

倉內仍空空如也，總之於民有益之事，只管辦去，勉之，欽此。公實

心爲民不泥成例類此，以十一月十四日卒於撫署正寢，官所惟

待妾二人，僕從數人，他無親屬，身後所需，督部爲之經紀喪事，遺

言不受賻贈，歸視之日，幕僚延督部檢點行篋，惟餘資廉銀九千

兩，卽封宛然，得以歸櫬而已。公生平友愛，弟曰俞，早卒，以次子馮

翼爲之嗣，弟曰簾，早卒，迎養其終，撫教其子燕喜爲學附生，以資

爲知縣，命弟曰源，投效河工，官楊河通判，一門之內，食指千數，雍

雍如也，篤於故舊，愛敬儒士，業師某老學未達，卒後爲刊其遺文

奉天通志卷二百四十三

奉天通志 卷二百四十三 藝文二十一 文徵十六 六十七

恤其家累，好觀經世之文，輯爲一冊，手自評點，每與人論古昔名

臣言行，流連企慕，輒移日晷，先是詔舉孝廉方正，或探朝貴意不

爲申報，公以爲國家異數，不當塞於上聞，使野有遺賢，故在山左

江南所舉，皆寒素有名之士，善接幕僚，諮詢公事，參以見聞，掾吏

不能舞弊，蓋以誠實待人，未嘗察察爲明人，亦不忍欺云。公生於

雍正十年十一月八日，得年七十有一子，二長燕翼，前廣東肇羅

道次馮翼，陸生，簡用通判，候補郎中，孫一人，豫謙，星衍官山左時

與公同僚，及歸僑居金陵，公以同族有過從之雅，知公爲政一二

因爲行狀，以質世之知公者。

奉天通志卷二百四十四

藝文二十二 文徵

文徵十六 外 藝文 文

邵長衡 字子初，號生人。

書崔太守宗泰事

崔名宗泰，遼東人，以松江郡丞遷守常州，性明察，嚴毅有幹略，始

至會征闖大軍十餘萬，駐郡牧馬四旬，人情恆擾，宗泰先期調集

供張備衛，一切立機，會令隸囚丸泥爲彈丸數斛，左右莫解，一日

將軍馳騎郊外，索彈丸急，宗泰命取以應，其機悉發，備皆此類也，

有遊騎十餘人村落，逐婦女，二人溺河死，宗泰偵知，夜叩營門，白

將軍請兵部官及章京牛永十七人，偕騎而馳，遇遊騎叱下馬，收

縛將軍爲戮，一人貫七人耳，鞭隊伍長以上十餘人，一軍肅然，又

時時單騎按行城內外，遇小有剽掠，遣一隸傳呼曰：崔太守來，則

錯愕引避去，然有求輒應，將軍亦以是節制太守，久之，兵與民習，

市易如故，令甲郡漕以推官監兌時，推官憫而衛弁橫甚，卒素驕

遼索亡厭，宗泰稍以法繩之，卒衆而譁，會常領兵備道缺，檄檄宗

泰攝兵備，宗泰又自請於漕使者，以令箭檄之監兌，明日盛騎馳

史卒帶刀鞭羅從，臨倉呼衛弁，語曰：若縱卒捍太守若且得罪，弁

惶恐頓首謝，久之曰：若亟兌漕，無病民吾貴若，於是晝夜兌竟漕，

無一卒譁者，未幾以耗誤當左遷，民號哭奔走，罷市，願詣闕請留

者萬人，然竟左遷興化丞，後再過毗陵，野老爭饒斗米把蔬，雙雞

宗泰親引見慰藉之，爲受一二，皆涕泣叩頭去，顧治閭毗陵良二

奉天通志 卷二百四十四 藝文二十二 文徵十六 六十八

時時單騎按行城內外，遇小有剽掠，遣一隸傳呼曰：崔太守來，則

錯愕引避去，然有求輒應，將軍亦以是節制太守，久之，兵與民習，

市易如故，令甲郡漕以推官監兌時，推官憫而衛弁橫甚，卒素驕

遼索亡厭，宗泰稍以法繩之，卒衆而譁，會常領兵備道缺，檄檄宗

泰攝兵備，宗泰又自請於漕使者，以令箭檄之監兌，明日盛騎馳

史卒帶刀鞭羅從，臨倉呼衛弁，語曰：若縱卒捍太守若且得罪，弁

惶恐頓首謝，久之曰：若亟兌漕，無病民吾貴若，於是晝夜兌竟漕，

無一卒譁者，未幾以耗誤當左遷，民號哭奔走，罷市，願詣闕請留

者萬人，然竟左遷興化丞，後再過毗陵，野老爭饒斗米把蔬，雙雞

宗泰親引見慰藉之，爲受一二，皆涕泣叩頭去，顧治閭毗陵良二

劉大觀
元祐
年史
任章
寧邱
遠人，
州波
知貢
州立，
也。

錦縣泮池井記

嘉慶三年秋七月，廟工將葺修及泮池。郡伯阿公告於教授陳國驥曰：「殿宇閭闔，悉闕以高，池小不稱，奈何？」其指工復鑿而大之。舂鍤既下，得一井焉。甃石無缺，泉冽而甘。郡伯甚喜。在工之紳士與執役之細民，靡不驚喜跳躍。圍井而觀，井之築始自何時不可考。或曰：井因池而有也。知池則知井矣。或曰：否，井因池而有。豈任其淤塞不治，井之有當在池之前也。惑曰：寧遠州知州劉大觀以事奉天通志。

奉天通志 卷一百四十四

來郡郡伯宮以故大觀曰異哉曲阜孔子廟顏顏仲廟悉有井獨
鄒縣孟子廟無井國朝乾隆初年忽地震一井豈古聖賢英靈之
氣結聚磅礴於天壤之間鬱鬱無所洩而假是以洩之歟不然四
廟之井胡不約而同也今天下郡縣皆有廟廟之戟門皆有池池
中有井未之聞也天下所無而茲郡突然有之豈無因哉耿恭拜
井而泉溢於井愛民之心誠也茲不拜而得井與泉焉尊崇夫子
之心倍甚於耿恭拜井之心也敬書其事而勒諸石

寧遠州重建龍神祠碑記
乙未
秋年

出寧遠東門循首山之麓有隆阜突起繚互若巖而龍神祠實枕其上其創建不知昉自何時雖屢經古蓋而棟莖卑庳廡垣墜剝龜像亦黯沈輝觀來治是邦欲新之而未暇也越三年道士亟

請乃始克爲之不數月而工成廟號曰龍神而旁列電神及雷公
電母之屬從民志也蓋昔先王體萬物之情凡有功德於民者皆
尊之曰神而莫不靈之以爲報効其制禮精義時散見於迎貓祭
虎之文而龍爲三百六十鱗蟲之長鼓風雲散雷雨蟠祭天地其
功德顧豈出貓虎下哉後世州縣無不設立城隍神古制所無而
儒者不以爲誣罔然則禮以義起所謂使之必報之龍王必得列
於祀典也固宜且神龍之憑依於茲土也視其它爲尤異寧遠隸
留都山拱而海環又距京師不及千里風聲速於傳郵今天子至
仁聖紀結綱提綱化朔治薄海徵風雨和甘之應而斗大一州首
被風教自春徂夏神蚪躍淵曦陽頓轡澍膏被野嘉禾怒生維神
實效靈焉夫神與時消息者也而人則體神之精氣爲顯藏者也

奉天通志

卷二百四十四

藝文二十一 文徵十六

外國文 清江

三

奉天通志

雖發道士之請其烏可以已祠有門有堂皆拓舊制加廣丹楹燭然治東西二軒其西軒如舫形窗牖洞開諸山納諸襟裏又以其餘上爲修廊尋丈栽樹結亭陰不漏晷遊屐之戾止者休夏爲宜是役也紳士氓庶踴躍輸繒策材衆心畢萃董其事者覃恩張霖張震尤力而觀因得目營指畫藉手而仰其成工歲遂書其事而刻諸石以志所以仰答靈貺者而一時歲物之豐成民氣之康樂亦於是可考焉

法式善
原名孫子通，字伯子，號時帆，蒙古正黃旗人。乾隆

重修尚氏家廟碑文

洪惟我朝肇基東土，定鼎燕京。佐命諸元勳，彪彪驍驎，光於竹素偉矣。其籍隸漢軍而世篤忠貞尤著且久者，則惟平南敬親王尚

氏王初以從龍入關，削平楚粵，始終臣節，比薨，遺命歸葬海城，雖沒而拳拳不忘於近依先帝，朝廷鑒其誠，予祭備禮，復置閑散佐領二員護其葬，嗣王志也。王有子三十二人，其七子諱某，尙和碩公主，特置在京佐領五員，始有賜第於京師，其後遂世居焉。孫諱某者，嘗釐正其關東祠田圖冊，各部籍記以奉海城之祀，而賜第亦自有家廟。至四世孫參領公玉德，隨其兄侍衛兼參領公諱玉成，以乾隆辛未就舊祠基拓新之，閱三十餘年，丁未歲，侍衛公已卽世，參領公復率其兄子參領惟慎重修之，堂扉燭窗，奕如奕如，歲時偕宗族子姓會祀廟中，穆然感世澤之長，油然而生孝弟之心也。參領公有子十人，官總兵副將參將游擊者六，戊申歲安南之役，公七子諱維昇以廣西左江鎮總兵從征，會戰富良江，庚戌歲

奉天通志

卷二百四十四

藝文十二 文獻十六 外編 文 清五

正月，歿於市球江南岸，事聞予卹，視提督諡直烈，入祀昭忠祠，世襲輕車都尉。越嘉慶丙辰冬，四川教匪之亂，公家子諱維岳官順慶營游擊，首率兵入達州境，猝遇賊矢斃，帥賊益集力戰，歿於陣，有敕軫惜之。予卹視參將，仍入祀昭忠祠，世襲雲騎尉。嗚呼大丈夫效力戎行，臨危致身如二子，可謂無忝祖德矣。參領公痛二子之歿於王事也，乃附其主於廟，鑄具碑石，以余與修國史手二子傳，屬爲記，不敢以弁陋辭。竊惟昔者魯僖能復周公之字，命奚斯作新廟，史克作閔官詩以頌之，其旨歸於保世遠大，今尙氏之德澤延及五世，垂百五十年，簪纓蕃衍，國史家乘大書特書不一書而參領公念祖之勤，眉壽無害與夫二子報國之義，相得益彰，實由先敬王之聲靈赫濯有以啓之，觀於廟者，可以想助善貽謀

之遠，可以規國家錫類之仁，爰書其事，以諱後之人家廟重修落成在某年月日，記成在某年月日。

管世銘

字叔子，號竹溪，浙江嘉興人，乾隆間進士，官至翰林院學士。

特授奉政大夫次南王公墓誌銘

王墓誌銘

公諱仲字次南號旂甫，行三，乾隆庚申年三月初十日子時生，義州學附生，習春秋，領壬午鄉薦，予副是科榜，與公爲同年友，雅相愛也，得諡公之家世履歷甚悉，公先本山左籍，族繁戶衆，幾數百丁，明季遭兵燹，散而之直省，臨榆樂亭寶坻冀州四邑，嗣清康熙初，公曾祖諱食，自臨榆東遷盛京義州城內，占籍興社一甲，族伯祖諱宗順，自樂遷錦之齊家屯，爲香封社十甲，族伯諱友文，族兄諱君召，又先後自樂自冀同遷義州，於是枝葉繁衍，科第聯綿，將奉天通志

卷二百四十四

藝文十二 文獻十六 外編 文 清五

綴緒繹，實爲古宜望族，曾祖諱食，祖諱自強，父諱義明，俱以公貴，贈奉政大夫，族曾伯祖諱良臣，伯祖諱乾吉，伯諱有文，以族兄諱猷贈通議大夫，公胞兄二長諱佐，字衡衡，辛酉拔貢，贈奉政大夫，次諱佑，附貢生，贈文林郎，族兄諱基，郡庠生，捷廉騰生，猷壬申聯捷進士，大理寺少卿，文學應舉皆諸生，君召，太學生，候選巡檢，公初仕高邑縣，及順天府學訓導，以課士成績聞，提升知縣，歷任西寧武清，有循聲，特授涇州知州，遷正定府同知，署大名知府，卒於嘉慶七年壬戌七月二十五日丑時，得年六十有三，元配才氏，繼配孫氏，諸贈宜人，俱先公卒，並附葬，再繼曲宜人，主持家政，子男五，長厚齡，大盛齡，俱業儒，次旭齡，小試冠重子軍，受知於徐之寬州牧，補歸府學博士弟子，卽今來請銘者，次梅齡，皆孫氏出，次

松齡曲氏出均幼讀龍姓成齡太學生乾齡庠生錫齡辛酉拔貢分發江蘇試用知縣族姪士旅武庠生士珩乙酉拔貢浙江歸安知縣士方丁酉舉人現任山東登州同知士南舉貢生士楷候選縣丞今以是年八月卜葬公於城北新塋之次公之孤旭齡奉繼慈命持狀請銘予與公壬午同榜是請也烏得辭銘曰

古弘正北別建佳城昆季三人相與經營考妣虛墓立石刻銘兩兄繼逝公今西行風颺丹旌先塋之前元配繼配同祔葬焉閭山衛衡凌水前迎先生之靈山秀水清

鐵保

編錄八旗滿洲蒙古漢軍詩成進表

伏以神皋詳發羣材分川嶽之靈化字文同七萃衍詩書之澤包奉天通志 卷二百四十四 藝文 文徵十六

埃垣而鼓舞沐德咸孚沿日月而還游依光自近蔭成喬木綿拱衛於億齡業在名山普裁成於衆製觀風典興化雨恩隆臣誠惶誠恐稽首頓首上言竊惟書成汗竹代有篇章雅美飴茶是鍾靈淑丹陵若水與區誕聖之鄉夏謠陶風福地歌勤之什皋颺禹拜產並近於姚城棠市桃黃句徧傳於陝治然而八元八愷起自名家汝鳩汝方收之敵國並值龍興而佐命未償鳳雛以失音降自麻劉誰爲周召或馳驅草野著作未遑或翊贊軒墀謳吟遂廢迨乎太平既久大雅遂興輶軒徧於八方庠序深於六義而詩成寶鼎非沛上之英客滿瀛洲無晉陽之產極之藁直周恪杞梓楚材胥入網羅咸陪奔奏論勳宿衛詞計炳乎丹青盡瘁前驅技且窮於病競未聞政漁邇化並增歌薰鼓吹從征且能肄雅近則振振

麟角道備親賢赴赴虎貢才兼文武豐府侯周盧之彩光與星輝戟門聯幽谷之芳章依漢倬有若今日之盛者也欽惟皇帝陛下禹文敷海舜治從風政在養民陽雨錫羅網之福事必稽古圖書承麟紱之傳七德綏而秦蜀氛清大經先正一心盡而衛澤波靖盲說宵旰廟幸院於九年千支並叶續藏書於四庫山海兼包悉遵家法以觀文遂協天心之佑聖九夏謠由庚之樂茲誦達於瀛壖六軍騰脫甲之歡詠歌洋於棹橈天潢嚮學柏梁聯燕喜之篇卿月承猷槐位協風儀之瑞合官學宗學而造上子弟知書胥同姓異姓以興賢春秋上計惟此八旗之臣庶全憑列聖之生成初則數取三單繼則名符八陣色分鎮正中軍奉黃屋之威考列源流太府藏丹書之籍鴨江派近從征既盟以河山鴻澤居安先增

奉天通志 卷二百四十四 藝文 文徵十七

亦隸於臣僕駐防兼內外居行儲武庫之兵胥宇共憂歡賞卹費水衡之幣戰餉守餉養成禦侮之才世祿世官榮與登科之選持戟嚴吏之署親瞻舞羽於堯階釋冰壁水之門飽聽論鐘於周囿置官師而立教示以大防觀禮樂而宣和導之善氣溯二十二家之紀載文德誰同合百六十載之甄陶雅才並起惟國恩洽於禁旅食德能沉御集頌在儒林修辭有式雖聯珠合璧戒祥瑞於勿言而東壁西清許咸詔以共聽本支貴戚家有賜書一介單門人多專集幸作皇朝我機爭鳴盛於止戈非無帝世巢由亦效忠於擊壤值重熙之慶典各獻篇章歌三輔之新恩有裨紀載竹匏駢奏梨棗漸多叩鐘分大小之鳴吹律異陰陽之應將門貴其多藝儒塾傳以專長未經斧鑿之刪存每慮衆言之紛雜臣授書束